

澤州府志卷之二十

壇廟

國之大事在祀與戎戎以衛民祀以芘民民生之胥匡在是焉以故先農有舉城社有報八蜡邑厲有享安日用而徧羣福也至於歿而祭於社以死勤事弗諠于懷者載在祀典無敢缺也水旱疾厲禱于山川之靈凡民之生亦所罔替而佛老之宮崇之者廣有其舉之莫或廢也合壇廟祠祀及寺觀為一卷

鳳臺縣

壇壝

先農壇

雍正五年 詔重農課稼令天下郡縣守土官率於仲春上旬亥日出郭耕藉以勸農功立壇祀先農神祈穀壇在城南知府劉毓岳建雍正十年知府許日歲移城東里許正殿三楹東西房各三椽耳房各二椽

澤州府志

卷之二十

田四畝九分五縣同

社稷壇

城西北半里許其制壇而不屋臺高二尺一寸陸各三級東西南北俱長二丈五尺南向左社右稷以石主之長三尺五寸廣尺有五寸正中上露圓尖祭以春秋仲月上戊日禮用牲帛望瘞行三獻

風雲雷雨山川壇

城南三里白水河南壇制如社稷左風雲雷雨山川壇雷雨右山川以石主之祭器牲帛加社稷

八蜡壇

城外西南隅春秋仲月上巳日祭按禮郊特牲歲時合聚萬物而饗之也八神先耆一神農也司

齊二上古后稷之官農三古田畯有功于民者郵表畷四田畔相連畷處造為郵舍田畯居之以督農者貓虎五貓食田鼠虎食田豕皆有功于農坊六坊堤也以蓄水亦以障水庸七庸溝也以受水亦以泄水昆蟲八亦貓虎之屬

口蜡年終祭名

厲壇

城東二里每歲清明日七月望十月朔祭無祀鬼神用羊一豕一飯羹冥帛按子產曰鬼有所歸乃不為厲祭法祀無後者明置厲壇有

風伯雨師廟

宋大中祥符初澤州請立風伯雨師廟令禮官考儀式頒之

濟瀆廟

三月十八日祀一在城西一里一在苗匠村

旗纛廟

在寧山衛治內祀軍牙六纛之神霜降日祭

城隍廟

西城內明洪武二年封靈祐侯知州李祥建指揮李諒知州孫康朱舜立屢拓之五月五日祭

土地祠

郡署內儀門東嘉靖年知州王好學建春秋仲月上巳日祭

廟祀

湯王館

有五一在小析山山有三泉每春時四鄉民咸來取水以祈澤潤一東龍華村一西湯王村一東南辛莊

村一東北真素村胥春秋致祭

孔子廟

天井關春秋仲月上丁日例支本縣項遣訓導官往奠按碑云魯國孔氏官於洛陽因居廟下以奉蒸

嘗蓋孔氏因遷山下追思聖祖故立廟存饗至今清出捐地以克祀事生員孔興銑主之

天井關孔子廟督理林廟家務孔衍璠碑記云東漢時夫子十九代孫孔昱建也靈帝建寧二年徵拜議郎補洛陽令思夫子有臨河之歎為之立廟於太行天井關至北魏

澤州府志

卷之二十 壇廟

二

太和元年夫子二十八代孫孔靈度請脩復唐二十八代

孫孔戡憲宗授衛尉分司洛陽遂遷居山右卜築天井關

夫子廟側以奉蒸嘗有唐駕部郎中程浩所撰碑元至元

九年州守皇甫琰重脩元貞元年郡侯劉仲元議民居以

寶市朔客舍以屬廟晉城令李從仕踵成焉店以實用市

以供役嗣令王祐繪像權屋息九十緡克祀事合裴從善

徵得中統鈔一百五十緡命王璧等主之明永樂七年星

輶大使羅榮重脩萬曆間生員任敦化捐地四十畝

國朝康熙二十四年裔孫孔衍珍清出捐地三十二畝生員

孔興銑經管供用五十三年浙聖公咨委尼山書院學錄

孔興鑑主之春秋上丁日遣訓導官一員往奠

顏氏家廟

在大陽鎮賢齋寓此明洪武三年建

雍張郁伯橫渠先生載呂進伯先生大忠
呂成公東萊先生祖謙陳廷敬有碑記

張忠公祠在府治北祀明建文忠臣張昺知州王朝雍建春

旌忠祠在大陽鎮祀御史孟陽陽春子也明正德間斥江彬

十一人其一陽也世宗立贈官

昭忠祠明道祠西祀明忠臣沁水張銓春秋仲月上戊日祭

報恩祠郡治西祀知州袁仲選順治初姜襄之變澤為其裨

日夕瞻禮去因建祠

王公祠城南關祀知州王所用

王公祠城西關祀知州王孕長

賢侯祠城南關祀知州許維新邵鳳翼劉民瞻黃圖昌孫丕

承官于宣倫可大

先農壇縣東關外雍正四年知縣甘士英奉文建行耕藉祈

澤州府志

卷之二十 壇廟

社稷壇西關明洪武初建有司歲以春秋仲月上戊日祭禮

風雲雷雨山川壇在南關洪武初建春秋祭如制

八蜡廟南關萬曆十年知縣劉一相改建於舊址之西祀典

邑厲壇城東關歲祭以清明中元十月朔移城隍神于壇以

城隍廟縣治西金大定年建題主于南壇與風雲雷雨山川

社厲壇在各鄉鎮明洪武年建今廢

濟瀆廟有三一在建寧鎮一在骷髏村一在陳堰名西濟瀆

神農廟有三一在羊頭山曰上廟為神農嘗五穀處一在換

東關曰下廟

軒轅廟在張店村

朗公廟在永祿北祀蒼頡

湯王廟南門內

藺相如廟 在莒山

張儀廟 在鳳翅山

關壯繆侯廟 西關

崔府君廟 西門內 以上廟祀

玉皇廟 有三一在米山鎮一在麗村一在王莊

東嶽廟 有二一米山一回山北里

元帝廟 有二一西關一北城

三官廟 城東南

文昌廟 在南關楊瑄建

金龍四大王廟 南關

五龍廟 王河近丹河宋祥符五年五龍見于丹水金皇統初復見故立廟

護國靈貺王廟 鴉兒溝世傳祀后羿神司冰雹多靈應

澤州府志 卷之二十 壇廟 五

靈淵王廟 七佛山下唐時賜封號禱雨輒應

七賢寺 叢桂北

二郎廟 南關

骷髏廟 在城西六里秦白起坑趙卒四十萬於此唐明皇幸潞州於枯骨中擇巨者立像封骷髏大王命有司春

秋致祭累朝因之每祭時陰風愁雨蔽空廟前池有大魚出人或觸之即生災

孫真人廟 在米山祀孫思邈

白衣觀音閣 東門甕城知縣王省身建

二仙廟 趙莊即樂氏二女

懸壺真人廟 回山北 以上祈報

忠義孝弟祠 在學宮內雍正五年知縣甘士瑛奉文建

節孝祠 在縣治西雍正五年知縣甘士瑛奉文建

關侯三代祠 在儒學巷雍正三年知縣甘士瑛建

程明道祠 儒學東南明提學胡謚建

馬將軍祠 原村里祀元處士馬海明嘉靖勅封事詳碑文

楊令祠 高平令楊子器有善政立祀建寧鎮崔銑記

賢侯祠 祀知縣郭質董琦劉大寶張鹵劉堯卿李貞馬從龍王省身劉應召任大僚田景新曾光國王漢帝炳范

祖繩 以上祠祭

陽城縣

先農壇 縣南一里雍正六年知縣吳紹祚奉文建耕藉祈穀禮五縣同

社稷壇 城西北春秋仲月上戊日祭

風雲雷雨山川壇 城南春秋仲月上巳日祭

八蜡廟 西關外春秋仲月上戊日祭

厲壇 城北二里春秋仲月上巳日祭

城隍廟 懷古坊同山川祭壇祭又四月十三日祭

澤州府志 卷之二十 壇廟

土地祠 有二南關西關 以上壇壝

軒轅廟 在劉善村尙書白孕謙記

虞帝廟 城西南三十里劉福莊

成湯廟 城西南七十五里相傳成湯禱雨於此有二泉不竭與濟瀆通宋熙寧九年河東路旱通判王任禱雨獲

應遂賤封析城山神為誠應侯政和六年詔成湯廟額題廣淵之廟誠應侯為嘉澗公宣和七年重脩凡二百餘楹

金殿民即行宮祭之元時復脩李俊民有記東廟在立平坊宋熙寧間建至元元貞間重脩西廟懷古坊萬曆四

十二年重脩邑人白所學撰記南廟縣東南二里俗名南神廟康熙十年重脩邑人田六善有記

孔氏家廟 明澤州學正聖喬五十四代孔思訥卒於官其子克誠鳳翔知府隸籍陽城建廟西關代准給奉祀

關侯廟 在東關前代勅建元元統間重脩

唐太宗廟 在香臺山 以上廟祀

玉皇廟 東關北唐天寶間建

天王廟 城西北隅邑治因山而城廟在最高處俯視邑里全勢了無遁形有警長吏于茲策應每獲安堵

五嶽廟 在天王臺下創于金元時三月二十八日祀

風神廟 在小崦山白龍神祠傍

白龍廟 在崦山係唐勅建舊志金泰和年間雙溪遺老韓士侍有重建顯聖王靈應碑記云唐天后長壽中靈跡

托化祠宇肇興早禱屢應中宗乙巳年天下亢陽靈應再現改元神龍遣重臣降香賜服烏甘澍滂沛封靈顯侯昭宗光化中封普濟王五季末周世宗顯德間雲霧暝合真象變現風雷怒起暴雨傾注廟象愈興至宋太平興國三年現形數十丈飛騰而上增封顯

聖王 載在祀典每歲四月三日祀

黃龍廟 城南虎頭山大司空白所知太守王日翼有記每歲四月五日祀

黑龍廟 靈通山側

高禰神祠 在南郊一名百子廟縣中祀特盛

三靈侯廟 西關五月五日記祀以廣禪侯五瘟神合祀日孕謙

棲龍潭神廟 城東龜山南白孕謙記相傳中有神龍宮歲旱取牲帛投潭中風霆翕集

澤州府志 卷之二十 壇廟 七

水草神廟 在東北山頭村七月七日記

賢侯祠 聚魁書院祀知縣王良臣安伸楊鎮原

忠義孝弟祠 在明倫堂大門內雍正五年知縣吳紹祚建

節孝祠 在明倫堂大門內雍正五年知縣吳紹祚建

陵川縣 先農壇 城外東郭雍正七年知縣高永滋奉文建耕藉祈穀禮同 城西

社稷壇 城西

風雲雷雨山川壇 城南雍正十二年邑令林學普繚垣樹木捐資脩葺

八蜡廟 城北關

邑厲壇 城北

城隍廟 縣治西

土地祠 城外西南岡

以上壇壝

成湯廟 南岡

關壯繆侯廟 有四

關侯三代祠 中城西街雍正六年邑令望君錄建
以上廟祀

崔府君廟 有三一在城外西岡一在禮義鎮一在潞城鎮

白龍王廟 在菊嶺山又龍王廟縣南五里

蚩蚘廟 縣東北五里

元帝廟 五谷山

東嶽廟 東北岡

文昌廟 元帝廟前

三官廟 東門外

三聖閣 城外東北隅

二郎廟 東川

澤州府志

卷之二十 壇廟

八

真澤二仙廟 西溪金狀元趙安時記云宋時嶺西莊張志母
秦氏於東南澗見二女人服純紅衣至澗南不

見夜復入夢因建廟澗南後紅巾賊起燬金皇統二年旱
禱靈應改建嶺西靈山之陰偉麗冠諸廟又曰天德四年
偶見仙墨碑乃唐乾寧間進士張瑜所撰略云羅神之曲
紅裳繡履方信張志母所見服紅衣者乃真二女也又云
歲儉祈之即豐
時旱禱之即雨
以上祈報

忠義孝弟祠 在學宮左雍正五年知縣錢元台奉文建

節孝祠 在縣治南雍正五年知縣錢元台奉文建

郝文忠公祠 在南街祀元學士郝經經曾大父兄弟七人同
居友愛因建棣華堂後即於此立祠

王兵憲祠 在縣治東祀明冀南道王肇生回寇流氛城幾陷
者屢矣公數出奇兵邑賴以全康熙間士民請建
祠

七狀元祠 在狀元峰下祀宋崔有孚金武明甫武天祐武天
和趙安時趙安榮李俊民
以上祠祭

沁水縣

先農壇 在東關雍正五年邑令錢元台奉文建

社稷壇 在縣西北原上春秋二仲月上戊日祀雍正十一年

風雲雷雨山川壇 在東門外南春秋二仲月上戊日祀雍正

八蜡廟 東關

邑厲壇 在北門外康熙三十三年邑令趙鳳詔縣尉王含範捐資建殿三楹耳房及周垣趙有記

城隍廟 東門內 以上壇壝

三皇廟 在鄭莊北嶺即三皇嶺

舜廟 在西歷山上

太岳神廟 在岳神山上

河神廟 在東河

交貫神廟 在東關文昌廟內邑令楊應桂建相傳其神為元時雲南進士多靈應 以上廟祀

玉皇廟 有三東關西關一在玉嶺

東嶽廟 縣東北里許碧峯山下土人呼為天齊廟殿前大松一極奇占鄭咸林募葺

澤州府志 卷之二十 壇廟 九

真武廟 有二一城中北街一西關

文昌廟 在東門外

火神廟 在東關

馬神廟 舊在東關今察院西

黑虎廟 在東關

關壯繆侯祠 在東門外春秋二仲上戊日祭用太牢五月十

關侯三代祠 在侯舊祠雍正三年奉文建

李司徒祠 城內北街祀李瀚子承恩曾孫一鵬從祀前明勅脩順治中祀三像猶存

昭忠祠 在東關祀明張忠烈銓春秋二仲月上戊日祭香火田四百八十三畝六分八釐在大村八里等處

忠孝節義祠 在明倫堂西南即廣業齋舊址雍正五年奉文建

節孝祠 在城東門外舊蓮臺夜雨處康熙間邑令李以改名君亭趙鳳詔改為遺愛祠祀明縣令劉錫王漆周

詩曲遷喬董之表雍正五年錢元台改建今祠 以上祠祭

祀典

凡府州縣

社稷壇每歲春秋仲月上戊日祭

府稱府社之神府稷之神

州稱州社之神州稷之神

縣稱縣社之神縣稷之神

祭物

羊一 豕一 帛一 黑色 釧一

籩四

棗 栗 鹽 藁魚

豆四

韭菹 醯醢 菁菹 鹿脯

澤州府志

卷之二十

祠祀

十

簋二

黍 稷

簋二

稻 粱

凡府州縣

風雲雷雨

山川

城隍之神共一壇每歲春秋致祭

神位

風雲雷雨居中 帛四 風雲雷雨之神

山川居左 帛二 某府某州某縣境內山川之神

城隍居右 帛一 以上 某府某州某縣城隍之神

祭物陳設俱與社稷同

凡厲壇每歲清明日七月十五日十月朔祭無祀鬼神
於本縣之北郊府州稱郡厲縣稱邑厲

祭物

羊一

豕一

飯米三石

香燭酒紙隨用

祭時有告

城隍文

二十卷終

澤州府志

卷之二十

祠祀

十一